



BOSNIA AND HERZEGOVINA  
Ministry of Human Rights and Refugees

Broj: JN-01-16-4-13-8/25  
Datum: 19.06.2025. godina

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02, 102/09 i 72/17), člana 69. stav (1) tačka b), stav (2) tačka d) i člana 70. stav (1) i (4), Zakona o javnim nabavkama („Službeni glasnik BiH“ broj 39/14, 59/22 i 50/24), na Preporuku Komisije za nabavke, broj: JN-01-16-4-13-6/25 od 17.06.2025. godine, u postupku nabavke kancelarijskog materijala, donosi sljedeću:

### ODLUKU

#### o poništenju postupka javne nabavke kancelarijskog materijala

#### Član 1.

Poništava se postupak javne nabavke kancelarijskog materijala iz razloga što nema prihvatljivih ponuda.

#### Član 2.

Ova odluka objavit će se na web stranici Ministarstva ([www.mhrr.gov.ba](http://www.mhrr.gov.ba)), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (4) i (6) Zakona o javnim nabavkama.

#### Član 3.

Za izvršenje ove odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

#### Član 4.

Ova Odluka stupa na snagu danom donošenja.

### O b r a z l o ž e n j e

Postupak javne nabavke pokrenut je Odlukom o pokretanju postupka nabavke kancelarijskog materijala, broj: JN-01-16-4-13-1/25 od 14.05.2025. godine. Javna nabavka je provedena putem konkurentskog zatjeva za dostavu ponuda za nabavku kancelarijskog materijala. Procijenjena vrijednost javne nabavke iznosi 17.948,72 KM, odnosno 21.000,00 KM sa uključenim PDV-om. Obavještenje o nabavci, broj: 679-7-1-11-3-29/25 od 14.05.2025. godine je objavljeno na Portalu javnih nabavki. Tenderska dokumentacija, broj: JN-01-16-4-13-2/25 od 14.05.2025. godine. Komisija za nabavke imenovana je Odlukom broj: 01-02-2-272-1/25 od 05.02.2025. godine. Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda broj: JN-01-16-4-13-5/25 od 17.06.2025. godine, Preporuku o poništenju postupka broj: JN-01-16-4-13-6/25 od 17.06.2025. godine i Izvještaj o radu, broj: JN-01-16-4-13-7/25 od 17.06.2025. godine, u postupku nabavke kancelarijskog materijala.

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene dvije (2) ponude;
- da su blagovremeno zaprimljene dvije (2) ponude;
- da nije bilo neblagovremeno primljenih ponuda
- da ponude ponuđača KCM d.o.o. Banja Luka i AERO-EXCLUSIVE d.o.o. Sarajevo nisu prihvatljive.

Ponuđač **KCM d.o.o. Banja Luka** ponudu nije dostavio na način propisan u Tenderskoj dokumentaciji:

Tačkom 3.1.4. konkurentskog zahtjeva za dostavu ponuda, su propisani uslovi i dokazi u vezi sa tehničkom i profesionalnom sposobnošću ponuđača, između ostalog, tačkom 3.1.4., pod b., propisani su dokazi u vezi sa dostavljanjem uzoraka na slijedeći način:

„B. Uzorci za robe koji su označeni zvjezdicom u Aneksu 1 – Obrazac za cijenu ponude – robe, kao i dokazi: proizvođačka deklaracija, katalog ili specifikacija sa web stranice proizvođača, a iz kojih se može vidjeti da ponudeni artikal odgovara navedenim zahtjevima iz tehničke specifikacije (dokazi se dostavljaju u čvrstom uvezu u sklopu ponude)“.

Dokazi koji se zahtjevaju:

„B. Uzorci za robe koji su označeni zvjezdicom u Aneksu 1 – Obrazac za cijenu ponude – robe. Dostava uzoraka za robu mora odgovarati traženom nazivu sredstva i jedinici mjere za stavke označene u tehničkoj specifikaciji. Dostavljeni uzorci moraju biti zapakovani u tvrdj kutiji na kojoj je potrebno naljepiti specifikaciju uzoraka koji se nalaze u istoj, zajedno sa nazivom ponuđača, potpisom i pečatom.

Uzorke obilježiti rednim brojem iz specifikacije za koju se dostavljaju isti. Uzorci moraju posjedovati proizvođačku deklaraciju, katalog ili specifikaciju sa web stranice proizvođača, a iz kojih se može vidjeti da ponudeni artikal odgovara navedenim zahtjevima iz tehničke specifikacije (dokazi se dostavljaju u čvrstom uvezu u sklopu ponude).

*Napomena: Uzorci koji su traženi moraju odgovarati traženim tehničkim uslovima iz ove tenderske dokumentacije, a Komisija će izvršiti usporedbu sa istim. U slučaju da dostavljeni uzorci ne odgovaraju uslovima iz tenderske dokumentacije ponuda će biti odbačena“.*

Obzirom na to da je navedeni ponuđač dostavio ponudu u okviru koje uzorci rednih brojeva 24,43,77,78,80 i 84 ne odgovaraju uslovima iz tenderske dokumentacije, ista se **odbacuje**.

Ponuđač **AERO-EXCLUSIVE d.o.o. Sarajevo** ponudu nije dostavio na način propisan u Tenderskoj dokumentaciji.

Uvidom u dostavljeni katalog, specifikaciju dostavljenog uzorka i dostavljeni uzorak za robu koja je označena zvjezdicom u Aneksu 1 – Obrazac za cijenu ponude-robe, redni broj 24. konstatuje se da kod ponudnog uzorka nije moguće utvrditi da li isti odgovara navedenim zahtjevima iz tehničke dokumentacije.

U okviru ponude na strani 58-67 navedeni ponuđač je dostavio Katalog ponuđenih artikala. Iz samog Kataloga nije moguće utvrditi da li ponudeni uzorak pod rednim brojevima 24. „Fascikla za ulaganje u registratore PVC „U“ debljine 100 mic pakovanje 100/1, prozirna clear“ odgovara navedenim zahtjevima iz tehničke specifikacije. U okviru Kataloga, kao niti na ponudnom uzorku ne nalazi se niti jedna vidljiva specifikacija, a kojom bi se utvrdilo da ponudeni uzorak odgovara traženoj jedinici mjere označene u tenderskoj dokumentaciji.

Obzirom da se iz dostavljene ponude navedenog ponuđača i ponudnog uzorka ne može utvrditi da navedeni ponudeni uzorak odgovara jedinici mjere označene u tenderskoj dokumentaciji, ista se **odbacuje**.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.


Uzimajući u obzir prethodno navedeno, odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

**MINISTAR**

**Dr Sevlid Hurtić**



Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a.